

«Gea, jau vi» – per la secunda

(fmr/cm) Nicoline Andrea Janka e Flurin Caviezel ein duas persunas «queeras» romontschas. Quei vul dir ch'els han in'otra preferentscha sexuala ch'ils biars da lur convischins. La giuvna da Rueun che habitescha a Horw sper Lucerna ha bugen umens sco era dunnas. Igl um oriunds da Breil che viva dapi treis onns ad Oxford ell'Engheltiara ei homosexuals. Tras lur sexualitad e lungatg mumma appartegnan els aschia gest a duas minoritads. Alla FMR han els detg daco ch'els ston aunc adina segiustificar e ch'il comite per la lètg per tuts astga buc emblidar els sco «queers» romontschs. *Pagina 3*



«Jeu hai schau temps entochen ch'jeu hai detg a miu contuorn ch'jeu seigi homosexuals.»

Flurin Caviezel



« Ei astga buca dar violenza encunter persunas «queeras» e la gliעד duei calar da dir co nus havein da viver.»

Nicoline Andrea Janka

«Carezia ei carezia – independent dalla schlatteina»

Sch'ina persuna appartegn a duas minoritads: il lungatg e la sexualitad

CARMEN MONN/FMR

Nicoline Andrea Janka (22) e Flurin Caviezel (28) ein carschi si en Surselva, discuoran romontsch, mo carezan «auter» ch'ìls biars da lur convivschins. Els s'identificheschon nummadamein sco «queer» – in plaid che descriva tut las persunas ch'èin buca heterosexualas. «Nus vulein buca vegnir tractai specialmein, mobein sco enzatgi tut normal», dian omisus. Il december vargau ha il parlament federal decidìu la lètg per tuts. Quei vul dir ch'era pèrs homosexuals astgien maridar e buca sco entochen dacheu suletamein viver en in partenadi registrau. Probablamein vegn il pievel svizzer a decider il settember davart la lescha. In comite independent ha inoltrau all'entschatta dil meins avrel rodund 60'000 sutscrizziuns ed aschia priu il referendum encunter la lètg per tuts.



«Jeu hai schau temps entochen ch'jeu hai detg a miu contuorn ch'jeu seigi homosexuals.»

Flurin Caviezel

Era per romontsch

«Ils proxims meins vegnan ad esser impurtonts per la communad «queera», da gliez ei Flurin Caviezel segirs. Era en Romontschia dat ei gliued che careza persunas dalla medema schlatteina ni che s'identificheschon auter che la maioritad dalla populaziun. «Perquei eis ei impurtont ch'ei vegni fatg attents sin nus 'queers' romontschs», di Nicoline Andrea Janka. Ei legri ella ch'il comite per la lètg per tuts hai – suenter ina brev aviarta dalla Giuventegna Rumantscha – era creau in pin cull'etichetta romontscha cul slogan «Gea, jau vi». «El temps dad oz munglassen nus en sesez buca pli stu-

er segiustificar per quei che nus essan, mo igl ei semplamein aunc adina necessari», di Flurin Caviezel ch'ei sez homosexuals. Biaras persunas «queeras» sesentien savens sco sch'enzatgei constessi buc e hagian tras quei problems psichics e tema da buca vegnir acceptadas. Sco ins sa leger s'illa pagina d'internet da swissinfo.ch ei la quota da suicidi duas entochen tschun gadas pli auta tier persunas giovnas dalla communad «queera» che tiel resta dalla populaziun.

La bandiera digl artg

Per Nicoline Andrea Janka da Rueun fuvan differentas preferenzas sexualas gia d'affon enzatgei normal: «Mes geniturs han adina puspei detg a mi ch'ei seigi nuot falliu, sch'in um hagi bugen in um ni ina dunna hagi bugen ina dunna.» Per ella stat buca la sexualitad, mobein la persuna el center. «Mintgina e mintgin ha in'otra identitad. Jeu less semplamein vegnir acceptada sco Nicoline e ch'jeu hai bugen umens e dunnas ei suletamein ina part da mei», di la giuvna che habitava ils davos treis onns a Berna e dapi treis meins a Horw sper Lucerna. La veta ella Bassa hagi aviert ad ella empau ils egl. «Tuttenina eran las differentas identitads pli presentas. Mirau anavos fuva ei denton gia daditg clar ch'jeu seigi bisexuala», di ella e ri. En pliras tia-

seigi bisexuala», di ella e ri. En pliras tiaras ei la communad «queera» pli vesibla ch'en Svizra.

Diversitad, speranza e toleranza

Flurin Caviezel ei oriunds da Breil e habitesch dapi treis onns ad Oxford el sidost dall'Engelhiara: «All'Universtitad Oxford nua ch'jeu lavurel posseda la mesadad dalla gliued in pindel cull'etichetta Oxford e la bandiera digl artg.» Quella bandiera ha las colurs d'in artg ed ei in simbol per la communad «queera». Las colurs vivas ein in segn per la diversitad, la toleranza e la speranza. Buca mo persunas «queeras» portien quei pindel, mobein era heterosexuals per mussar aschia lur solidaritad e sustegn.

Negin problem cun sia decisiun

Ella veta da persunas ch'èin buca heterosexualas sa in «coming out» giugar ina rolla centrala. «Jeu hai schau temps entochen ch'jeu hai detg a miu contuorn ch'jeu seigi homosexuals. Cun 14-15 onns hai jeu inaga menziunau quei enviers in collega, hai suenter denton buca pli tschintschau sur da quei. In per onns pli tard hai jeu lu comunicau ch'jeu seigi homosexuals. Cun 14-15 onns hai jeu inaga menziunau quei enviers in collega, hai suenter denton buca pli tschintschau sur da quei. In per onns pli tard hai jeu lu comunicau quei a mia famiglia e silsuenter als megliers collegas», di Flurin Caviezel ch'ei doctorand en biologia da cancer. Ei seigi stau fetg impurtont che las persunas carezadas audien ei sco emprend. Per fortuna hagi el mai stuiu haver tema che ses geniturs hagian in problem cun sia decisiun ni acceptien buc el. Plitost dallas reacziuns ordvart dalla famiglia hagi el giu respect.

Numnar las caussas pil num

Per Nicoline Andrea Janka ei quei stau auter: «Jeu habitavel gia ella Bassa e per mei eis ei buca stau necessari da far in outing.» A sia famiglia ha ella detg ch'ella seigi bisexuala e sch'enzatgi damondi, ditgi ella era claramein ch'ella hagi bugen omisduas schlatteinas. «In coming out sa esser enzatgei fetg levigiont e sa dar forza. Aschia san ins separticipar ad occurrenzas per persunas «queeras» senza haver in curios sentiment ed anflar persunas che sesentan tuttina», di la stu-



Interrut il contact

Nicoline Andrea Janka e Flurin Caviezel ein per fortuna aunc mai stai unfrendas da violenza corporala pervia da lur sexualitad. «Damai ch'jeu sun bisexuala hai jeu giu in collega che ha interrutt il contact. El fuva dil meini che gliued ch'ei buca heterosexuala seigi malsuona e stoppi ir a terapia», di la giuvna cantadura dalla band «Current Mood». Ad ella hagi quei fatg mal igl emprend mument. Suenter hagi ella denton encolgeschu ch'ella lessi buca haver in collega che tratgi ch'ella seigi malsuona ni buca normala. Flurin Caviezel ei pertscharts ch'el sefa attaccabels sch'el va maun en maun cun siu amitg sin via: «Ei dat era muments nua ch'jeu prefereschel da buca dar maun perquei ch'igl ei semplamein pli segir per nus.» Deplorablamein sa ei capitar ch'ins vegni attaccaus, perquei ch'ins ei homosexuals.

Nuot misterius ni anormal

Alla damonda, tgei che stuess semidar en general, di Nicoline Andrea Janka: «Ei astga buca dar violenza encunter persunas «queeras» e la gliued duei calar da dir co nus havein da viver.» Pliras gadas hagi ella giu discussiuns cun persunas che levien buca capir daco ch'ella hagi bugen dunnas ed umens. «Ei duess semplamein buc esser da schi grond'impurtanza.» Flurin Caviezel manegia denton ch'ei

Flurin Caviezel manegia denton ch'ei drovi aunc temps entochen che la sexualitad e l'identitad d'ina persuna «queera» seigi negina sensaziun pli. «Perquei eis ei necessari ch'ei dat 'paradas' nua che nus savein far attents ch'ei dat nus e che nus essan loschs d'esser sesez.» Ina gronda parada, ina «pride», ha liug mintga stad a Turig nua ch'ei vegen fatg attents silla communad «queera» cun gronds cars, vestgadira che croda en egl e bia musica. «Persunas ch'èin buca heterosexualas

vegnan stigmatizadas e tractadas specialmein», di el. Els lessien denton buca vegnir tractai sco persunas misteriusas ni anormalas, di il student. «Igl impurtont



«Ei astga buca dar violenza encunter persunas «queeras» e la gliued duei calar da dir co nus havein da viver.»

Nicoline Andrea Janka

Communad «queera» ni era LGBTQIA+

Igl onn 2013 eis ei vegniu inoltrau in'intervenziun parlamentara per la lètg per tuts dalla fracziun verd-liberala. Quella cuntegn era igl access tier la donnaziun da sems per pèrs lesbics. Il december vargau ha il parlament federal dau suatientscha a quell'intervenziun parlamentara. Lentschatta avrel 2021 ha in comite independent rimnau rodund 60'000 vuschs ed aschia priu il referendum encunter la lètg per tuts. Probablamein astga il pievel svizzer decider davart quella votaziun il settember proxim.

L stat per Lesbian = Dunnas che stattan sin dunnas

G stat per Gay = Umens che stattan sin umens

B stat per Bisexual = Persunas che sentan attracziun per umens e dunnas

T stat per Transgender = Persunas che san buca s'identificar culla schlatteina ch'els han survegniu entras la natschientscha

Q stat per Queer = Tut las sexualitads ed identitads da schlatteina ch'èin buca heterosexualas

I per Intersexual = Persunas ch'èin natschidas cun attributs feminins e masculins e san aschia buca claramein vegnir identificai sco um ni dunna.

A stat per Asexual = Persunas che sentan pauca ni negin'attracziun sexuala enviers autra gliued

+ stat per tut las sexualitads ed identitads buca numnadas ed explicadas cun in plaid.

Mintga persuna resenta sia sexualitad auter ed aschia san ins buca generalisar la definiziun.